

№05/1-810  
06.10.2020й.

**“ТАСДИҚЛАЙМАН”**  
Ўзбекистон Республикаси  
Бош вазирининг биринчи  
ўринбосари



А.Ж. Раматов

№2020 йил “06” октябрь

**“Ўзбекистон Республикаси Маъмурий жавобгарлик тўғрисидаги  
кодексининг 268<sup>2</sup> - моддасига ўзгартиш киритиш тўғрисида”ги  
Ўзбекистон Республикасининг Қонуни лойиҳасини  
Вазирлар Маҳкамаси Раёсати мажлиси кун тартибига  
киритиш юзасидан муҳокама йиғилиш  
БАЁНИ**

2020 йил 28 сентябрь

Тошкент шаҳри

**Раислик қилувчи:** - А.Ж. Раматов – Ўзбекистон Республикаси  
Бош вазирининг биринчи ўринбосари

**Қатнашдилар:** - Вазирлар Маҳкамаси котибият мудир Ш.Абидов,  
Қурилиш вазири Б.И.Закиров, Адлия вазири  
Р.Давлетов, Қурилиш вазирининг ўринбосарлари,  
мутасадди вазирликлар ва идоралар раҳбарлари  
(рўйхат бўйича).

**КУН ТАРТИБИ:**

**“Ўзбекистон Республикаси Маъмурий жавобгарлик  
тўғрисидаги кодексининг 268<sup>2</sup> - моддасига ўзгартиш киритиш  
тўғрисида”ги Ўзбекистон Республикасининг Қонуни лойиҳаси  
тўғрисида.**

*(Раматов, Закиров, Абидов, Туляганов, Давлетов, Раматов)*

Ўзбекистон Республикаси Президентининг “Қурилиш-монтаж ишлари сифатини тубдан яхшилаш ва қурилишни назорат қилиш тизимини такомиллаштириш чоралари тўғрисида” 2020 йил 5 февралдаги ПҚ–4586-сон қарори 5-банди ижросини таъминлаш мақсадида ишлаб чиқилган “Ўзбекистон Республикасининг Маъмурий жавобгарлик тўғрисидаги кодексининг 268<sup>2</sup> - моддасига ўзгартиш киритиш тўғрисида”ги Ўзбекистон Республикасининг Қонуни лойиҳаси Қурилиш вазирлиги томонидан белгиланган тартибда ишлаб чиқилган.

Қонун лойиҳасига мувофик, Қурилиш соҳасида назорат инспекцияси ва ҳудудий инспекциялар бошлиқларига, ҳуқуқбузарлик фактига эътироз билдирилган ҳолларда ишни кўриб чиқиш учун судга тақдим этиш тартибини сақлаб қолган ҳолда, шаҳарсозлик тўғрисидаги қонун ҳужжатларининг бузилишига оид маъмурий ҳуқуқбузарликлар тўғрисидаги ишларни кўриб чиқиш ваколати берилган.

Қонун лойиҳаси, Вазирлар Маҳкамасида ҳуқуқий экспертизадан ўтказилган ҳамда Ўзбекистон Республикаси Президенти Администрацияси Ҳуқуқий экспертиза ва комплекс таҳлил қилиш департаменти (У.Ханаев)нинг Қонун лойиҳасини белгиланган тартибда қабул қилиш тўғрисидаги таклифлари олинган (10.09.2020 й., 10/2-2550-сон хат).

Ўзбекистон Республикаси Президентининг 2020 йил 5 февралдаги ПҚ-4586-сон қарори билан юклатилган тегишли топшириқ ижросини таъминлаш мақсадида йиғилиш **қарор қилади**:

1. “Ўзбекистон Республикаси Маъмурий жавобгарлик тўғрисидаги кодексининг 268<sup>2</sup> – моддасига ўзгартиш киритиш тўғрисида”ги Ўзбекистон Республикасининг Қонуни лойиҳаси юзасидан Қурилиш вазири Б.Закировнинг ахбороти маълумот учун қабул қилинсин.

2. Ҳудудларни комплекс ривожлантириш, коммуникациялар, қурилиш ва уй-жой коммунал хўжалиги масалалари котибияти (Абидов) Қонун лойиҳасини:

Ўзбекистон Республикаси Олий Мажлиси палаталарида кўриб чиқиш учун белгиланган тартибда Вазирлар Маҳкамаси Раёсатининг навбатдаги мажлиси кун тартибига киритиш чораларини кўрсин;

Вазирлар Маҳкамаси Раёсати мажлисида мутасадди раҳбарлар иштирокини таъминлаган ҳолда, лойиҳани ўрнатилган тартибда ҳимоя қилинишини таъминласин.

3. Мазкур йиғилиш баёнининг ижросини назорат қилиш Вазирлар Маҳкамасининг Ҳудудларни комплекс ривожлантириш, коммуникациялар, қурилиш ва уй-жой коммунал хўжалиги масалалари котибияти (Ш.Абидов) зиммасига юклатилсин.